

جدید

Tilda, fikrda, ishda birlik!

2025-yil 1-yanvar
№ 1(53)
www.jadid-media.uz

Jadid

adabiy, ilmiy-ma'rifiy va ijtimoiy haftalik gazeta

2025-
yil
Atrof-muhitni asrash
va "yashil" iqtisodiyot yili

O'ZBEKISTON XALQIGA YANGI YIL TABRIGI

BUGUNNING SHE'RI

UMR SOATLARI

"Chiq-chiq" deydi soat "11"ga imo qilib mo'ylovi bilan, to'n bichadi har kim umrga o'z qarichi - o'ylovi bilan. Osmon esa yum-yumaloq vaqt, har soati uning - bir muqat - davra qurib, yillar betoqat ajdar, asov ot bo'lib uchar. Uzun tashlab qo'yadi birday vaqt arqonni. Kimga baxt kular - osmonlardan muloyim qorday yog'adi oq-oppoq orzular; kimga esa aksi omadning, tun qop-qora tomchi tuyilar, har lahzasi garchi hayotning oltin yombi bo'lib quyilar. Umr otlig' bu kalavani chuvalatib, men-ku qand yeyman, ko'ksimdagi ot aravani quruq olib qochmasa, deyman. Ko'z yonadi. Yurak qalqingan... Mayli, mening yukim bo'lsin zil, baxt keltirsin faqat xalqimga eshik qoqib turgan Yangi yil.

Shuhrat AZIZOV



Asosiy maqsadimiz - inson va tabiat muvozanatiga asoslangan tizim yaratishdir.

Yangi yilda biznes uchun yanada keng imkoniyatlar yaratiladi. Xususiyl mulk daxlsizligini ta'minlash, xorijiy investitsiyalarni faol jalb etish ishlarini qat'iy davom ettiramiz.

Ijtimoiy sohalar, ish haqi, pensiya va stipendiyalar, nafaqalar miqdorini oshirish e'tiborimiz markazida bo'ladi.

Farzandlarimizning zamonaviy bilim va kasb-hunar egalari, barkamol bo'lib tarbiya topishlari uchun bor kuch va imkoniyatlarimizni safarbar etamiz.

Ilm-fan, ta'lim, sog'liqni saqlash, madaniyat va san'at, sport sohalariga e'tibor yanada kuchaytiriladi.

Muhtaram faxriylarimiz, xotinqizlar va yoshlarga g'amxo'rlik qilish, ijtimoiy himoya samarasini oshirish ustuvor vazifamiz bo'lib qoladi.

Qurolli Kuchlarimiz salohiyatini mustahkamlash, harbiy xizmatchilar va ularning oila a'zolarini qo'llab-quvvatlash ishlarini yangi bosqichga ko'taramiz.

Muxtasar aytganda, "Inson qadri uchun, inson baxti uchun!" degan olijanob maqsadni barchamiz birgalikda amalga oshiramiz.

Aziz va muhtaram yurtdoshlar! Barchangizni, chet ellardagi vatandoshlarimiz, xorijiy hamkor va do'stlarimizni bugungi qutlug' bayram bilan yana bir bor chin dildan tabriklayman.

Yangi yil har bir inson, har bir oilaga, jonajon yurtimizga katta-katta yutuq va omadlar olib kelsin!

Hamma ezgu niyatlarimiz ro'yobga chiqsin!

Yangi yil barchamizga muborak bo'lsin!

Shavkat MIRZIYOYEV,
O'zbekiston Respublikasi Prezidenti

Muhtaram vatandoshlar! Siz, azizlarni, ko'pmillatli O'zbekiston xalqini yangi - 2025-yil bilan chin qalbidan muborakkob etaman.

Jahondagi murakkab vaziyatga qaramasdan, o'tayotgan yil mamlakatimiz uchun qutli va barakali bo'ldi. Buning uchun har qancha shukrona aytsak, arziydi.

Mehnatkash xalqimizning fidokorona mehnati, siyosiy-ijtimoiy faolligi bilan Yangi O'zbekiston g'oyasi real voqeilikka aylanmoqda.

Oliy Majlis va mahalliy kengashlarga bo'lib o'tgan saylovlar demokratik islohotlarning yangi

davriga qadam qo'yganimizni yana bir marta tasdiqladi.

Yurtimizda yuqori texnologiyali yangi sanoat majmualari, infrazuzilma va logistika tarmoqlari, avtomobil va temir yo'llar barpo etildi. Biznes, IT va turizm sohalarini izchil rivojlanmoqda. Aholi daromadlari va turmush sifati oshmoqda.

Mirishkor dehqon va fermerlarimiz, klasterlarimiz ishchi-xizmatchilari mardona mehnat qilib, mo'l hosil yetishtirdilar.

Yangi uy-joylar, bog'cha va maktablar, oliygo'har, madaniyat va sport maskanlari qad ko'tarmoqda. Yurtimiz tobora obod qiyofa kasb

etmoqda. Minglab yurtdoshlarimiz Yangi yilni yangi uylarda kutib olmoqda.

Bilimli va shijoatli, navqiron yoshlarimiz ulkan yutuqlarni qo'lga kiritmoqda. Ayniqsa, Olimpiya va Paralimpiya o'yinlarida erishilgan rekord natijalar milliy sportimiz tarixida yangi sahifa ochdi.

Fuqarolik jamiyati institutlari, xususan, mahallaning roli va ta'siri kuchaymoqda. Ma'naviy yuksalish jarayonlari hayotimizda yangi kuch, yangi harakatga aylanmoqda.

Global ahamiyatga ega tashabbuslarimiz jahon hamjamiyati tomonidan qo'llab-quv-

vatlanmoqda. Xalqaro maydonda O'zbekistonning raqobatbardosh imkoniyatlarini ko'rsatmoqda.

Hech shubhasiz, bularning barchasi diyorimizdagi barqarorlik, do'stlik va hamjihatlik natijasidir.

Bugungi shukuhli oqshomda siz, azizlarga, olijanob va bunyodkor xalqimizga halol mehnatingiz, ona yurtga sadoqatingiz uchun samimiy minnatdorchilik izhor etaman. Qadri do'stlar!

Biz 2025-yilga mamlakatimizda Atrof-muhitni asrash va "yashil" iqtisodiyot yili deb nom berdik.

YURGAN - DARYO

JOZIBADOR SAYYOHLIK MARKAZI



2024-yil davomida O'zbekistonga jami 8,6 million nafar sayyoh tashrif buyurdi. Ko'rsatilgan turizm xizmatlari eksporti 2,7 milliard dollarni tashkil etdi. 2023-yilning shu davriga nisbatan ushbu ko'rsatkich 1,5 barobarga o'sdi. Sayyohlarning o'rtacha xarajatlari 2022-yilga nisbatan 1,5 barobarga oshdi. (Davomi 3-sahifada)

YILBITIK



JADIDONA SO'Z DOVRUG'I

"Jadid" gazetasi bir yil davomida o'z o'quvchilarining qo'lga va qalbiga yetib bordi. Uning sahifalarida chop etilgan juda ko'plab manbalar O'zbekistonning yaqin tarixidagi eng qiziq, eng murakkab va shonli jadidlik harakatining mazmun-mohiyatini o'zida ifoda etdi. To'g'risi, jadidlik harakati, xususan, jadid adabiyoti mutaxassislari tomonidan bir asrdan beri o'rganib kelinadi. Sobiq tuzum zamonidagi tadqiqotlarda ularga turlicha yondashuvlar bo'ldi. Hukmron davr mafkurasining korchalonlari jadidlik harakatini g'ayriilmiy ravishda baholadi. Sun'iy tarix yozguvchilar xalqqa jadidlarning haqqoniy g'oyalarini, orzuniyatlarini asl holda ko'rsatmaslikka urindi. Bir necha avlodga o'z bobolari "dushman" sifatida tanitildi. Necha o'n yillar haqiqat quyoshining yuzini qora bulut qoplab turdi. O'ylab qaralsa, jadidlik harakatining asos-negizida millat va Vatan tuyg'usi, istiqlol va istiqbol qayg'usi mujassamdur. Shunday g'oya va fikri uchun jadidlar qamaldi, surgun etildi, qatag'on qilindi. Gazeta o'z sahifalarida ayni tarixiy haqiqat bayonini taqdim etdi.

Gazetada bugungi ijtimoiy-siyosiy hayot, madaniy-maishiy turmush muammolari bilan uyg'unlashgan jadid allomalarning fikrlari taqdim etib borildi. Xususan, "Yurt qayg'usi", "Mutolaa", "O'zbek tilim - o'z tilim", "Bedorlik" kabi qator ruknlarda berilgan maqolalar ko'pchilikning e'tiborini tortdi. (Davomi 2-sahifada)

ONAJONIM - TABIAT

YASHIL BOG'LAR - KO'NGILNI CHOQ'LAR



Inson yashashi uchun zarur bo'lgan ne'matlardan biri - havo. Odamzod kislorodsiz atigi 2-5 daqiqa yashashi mumkin, xolos. Shunday ekan, dovdaraxtlar, hayotbaxsh gulzorlar, qisqa aytganda, musaffo havo - tirikligimiz manbayi. Yurtimizda "Yashil makon" umummilliy loyihasining amalga oshirilayotgani ortida inson qadri masalasi turibdi.

HAYOTIY EHTIYOJ

Bugungi globallashuv, aholi, sanoat korxonalarini ko'paygan, tabiiy resurslarga putur yetkazilayotgan bir sharoitda ko'kalamlashtirish hayotiy ehtiyojga aylandi. Atrof-muhitni ko'z qorachig'iday asrab, xonadonimiz, hovli-joyimiz, ko'chamiz, qishlog'imiz, mahallamiz, shahar-tumanimizni ko'kalamlashtirish, obodonlashtirish, avlodlarga tabiat ne'matlarini boricha yetkazish - burchimiz. Shu nuqtayi nazardan, davlatimiz rahbari ta'бири bilan aytganda, "Yashil makon" umummilliy loyihasi bu - bir yillik tadbir emas.

Mazkur loyiha doirasida respublikada qariyb 50 mln tup nihol o'tqaziladi. Buxoroda esa 7 millionga yaqin daraxt va buta ko'chatlari o'tqazish rejalashtirilgan. Ayni paytda jarayon qizg'in pallaga kirgan. Mutaxassislarning fikricha, Buxoro iqlimi juda murakkab. (Davomi 2-sahifada)

